

# SO'NGI ILMIY TADQIQOTLAR NAZARIYASI

RESPUBLIKA ILMIY-USLUBIY JURNALI



2022 2 SON  
12-IYUN

	<i>СМАЗКИ И ИЗНАШИВАНИЯ В УЗЛАХ ДВИГАТЕЛЕЙ</i>	
31	<b>Gaibullaev Rakhim Murodovich</b> <i>SMALL BUSINESS DEVELOPMENT PROCESSES IN UZBEKISTAN</i>	151
32	<b>To'rayeva Nargiza Ne'matilloevna</b> <b>Ne'matova Gulhayo Uchqunovna</b> <b>Tursunov Ulug'bek Yusufovich</b> <i>DORIVOR O'SIMLIKLARNING O'ZIGA XOS XUSUSIYATLARI.</i>	155
33	<b>N.N.Bahriyeva</b> <i>TALABALARDA IJODIY FAOLIYAT MOTIVATSIYALARINI SHAKILLANTIRISH IMKONIYATLARI</i>	159
34	<b>Юсупов Араббой</b> <b>Убайдуллаев Саидакбар Саидалиевич</b> <i>ЮКСАК ВАТАНПАРВАРЛИК</i>	162
35	<b>М.А. Талипов</b> <b>З.Б. Байметова</b> <i>XX АСРНИНГ БИРИНЧИ ЯРМИДА ТОШКЕНТДА БАРПО ЭТИЛГАН НОЁБ МЕЪМОРИЙ БИНОЛАРНИНГ ТУРИЗМДАГИ АҲАМИЯТИ.</i>	165
36	<b>Қодирова Д.Ш</b> <b>Чинпулатова С.Б</b> <b>Юлдашова Б.Ш</b> <i>ТОШКЕНТ АРХИТЕКТУРА ҚУРИЛИШ ИНСТИТУТИ БАРХАН ҚУМИНИ ҚУРИЛИШДА ИШЛАТИШ</i>	173
37	<b>Davronboyev Bekzod Begali ugli</b> <b>Mutalipov Mirzoxidxo'ja Baxtiyor ugli</b> <b>Turdaliyev Islombek O'ktamjon ugli</b> <i>THE FORMATION STRUCTURE OF STUDENTS' SKILLS FOR THE SUBJECT OF MILITARY EDUCATION.</i>	177
38	<b>Xolmatov Baxtiyor Abdumutalovich</b> <b>Hasanov Sherzodbek Azizjon o'g'li</b> <i>INVESTITSIYA FONDLARI FAOLIYATINI RIVOJLANTIRISHDAGI MUAMMOLAR</i>	183
39	<b>Karimova Nozima</b> <b>Fayzullayeva Umida</b> <i>AYRIS MERDOKNING "QORA SHAHZODA" ASARINING TASNIFI</i>	187
40	<b>Siddiqov Farrux</b> <i>SPORT O'YINLARINING O'ZIGA XOS XUSUSIYATLARI</i>	190
41	<b>Турсунов Озодбек Бадалович</b> <i>ТРАНСПОРТ ИНФРАТУЗИЛМАСИНИНГ МАЗМУНИ, ТАРКИБИ ВА МИНТАҚА ИҚТИСОДИЙ РИВОЖЛАНИШИГА ТАЪСИРИ</i>	196
42	<b>Абобакирова Одина Набиевна</b> <i>ЛАТИФ МАҲМУДОВ ҲИКОЯЛАРИНИНГ СЮЖЕТ ҚУРИЛИШИДАГИ ЎЗИГА ХОСЛИКЛАР</i>	203
43	<b>Nazirova Mashhura Ortiqovna</b> <i>THE CONCISE ANALYSES OF ENGLISH SLANG TOPONYMS.</i>	209
44	<b>Bulekbaeva Ekaterina Aleksandrovna</b> <b>Khuzhanova Ozoda Tadzhievna</b> <i>NAME OF HEADRESSES IN THE STRUCTURE OF KAZAKH PROVERBS AND SAYINGS</i>	212
45	<b>Насимов Абдужалил Махмаюнусович</b> <b>Курбаниязов Зафар Бабажанович</b> <b>Сулаймонов Салим Узганбаевич</b> <i>ТАКТИКО – ТЕХНИЧЕСКИЕ АСПЕКТЫ ХИРУРГИЧЕСКОЙ КОРРЕКЦИИ</i>	215

## DORIVOR O'SIMLIKLARINING O'ZIGA XOS XUSUSIYATLARI.

**To'rayeva Nargiza Ne'matilloevna**

*Buxoro davlat universiteti, Tuproqshunoslik kafedrası,  
o'qituvchisi*

**Ne'matova Gulhayo Uchqunovna**

*Buxoro davlat universiteti, Tuproqshunoslik kafedrası,  
4-bosqich talabasi*

**Tursunov Ulug'bek Yusufovich**

*Buxoro davlat universiteti, Tuproqshunoslik kafedrası,  
4-bosqich talabasi*

**Anotatsiya:** *Hozirgi kunga kelib dorivor o'simliklarga bo'lgan talab yanada ortib bormoqda. Shuning uchun dorivor o'simliklarni o'rganish, ularning kasalliklarga ta'sir kuchi bilish, ulardan dori-darmon vositalarini tayyorlash dolzarb mavzulardan hisoblanadi. Ushbu maqolamizda dorivor o'simliklarni yetishtirish, dorivor o'simliklarning kasalliklarga tasir kuchi va ulardan tibbiyotda dori-darmon tayyorlash haqida eng so'nggi ma'lumotlar keltirildi.*

**Kalit so'zlar:** *Dorivor o'simliklar, alkaloidlar, barg, gul, meva, urug', glikozid, efir.*

**Dorivor o'simliklar** — odam va hayvonlarni davolash, kasalliklarning oldini olish uchun, shuningdek, oziq-ovqat, atir-upa va kosmetika sanoatida ishlatiladigan o'simliklardir. Yer yuzida dorivor o'simliklarning 10—12 ming turi borligi aniqlangan. 1000 dan ortiq o'simlik turining kimyoviy, farmakologik xossalari tekshirilgan. O'zbekistonda dorivor o'simliklarning 700 dan ortiq turi mavjud. Shulardan tabiiy sharoitda o'sadigan va madaniylashtirilgan 120 ga yaqin o'simlik turlaridan ilmiy va xalq tabobatida foydalaniladi. Hozirgi davrda tibbiyotda qo'llaniladigan dori-darmonlarning qarib 40—47% o'simlik xom ashyolaridan olinadi. O'simliklar murakkab tuzilishiga ega bo'lgan jonli tabiiy kimyoviy laboratoriya bo'lib, oddiy noorganik moddalardan murakkab organik moddalar yoki birikmalarni yaratish qobiliyatiga ega. Dorivor o'simliklarning quritilgan o'ti, kurtagi, ildizi, ildizpoyasi, tunganagi, piyozi, po'stlog'i, bargi, guli, g'unchasi, mevasi (ur'ugi), danagi, sharbati, qiyomi, toshchoyi, efir moyi va boshqalardan doridarmon tarzida foydalaniladi.[1-2]

Dorivor o'simliklarni 2 xil tasniflash qabul qilingan: 1) ta'sir qiluvchi moddalarning tarkibiga qarab — alkaloidli, glikozidli, efir moyli, vitaminli; 2) farmakologik ko'rsatkichlariga qarab — tinchlantiruvchi, og'riqqoldiruvchi, uxlatuvchi, yurak-tomir tizimiga ta'sir qiluvchi, markaziy nerv sistemasini qo'zg'atuvchi, qon bosimini pasaytiruvchilar. Dorivor o'simliklarning ta'sir etuvchi moddalari alkaloidlar, turli glikozidlar (antraglikozidlar, yurakka ta'sir etuvchi glikozidlar, saponinlar va boshqalar), flavonoidlar, kumarinlar, oshlovchi va shilliq



moddalar, efir moylari, vitaminlar, bo'yoq moddalar, fermentlar, fitonsidlar, kraxmal, oqsillar, polisaxaridlar, azotli moddalar, moy hamda moy kislotalari va boshqa birikmalar bo'lishi mumkin.[3-4]

Dorivor o'simliklarning organizmga ta'siri uning tarkibidagi kimyoviy birikmalarning miqdoriga bog'liq. Bu birikmalar o'simlikning qismlarida turli miqdorda to'planadi. Dorining ta'sirchanlik quvvati hamda sifati yuqori bo'lish davri ularning gullash hamda urug'lash davrining boshlanish vaqtiga to'g'ri keladi. Dorivor moddalar ba'zi o'simliklarning kurtagi, bargi yoki poyasida, ba'zi o'simliklarning guli yoki mevasida, ba'zilarida ildizi yoki po'stlog'ida to'planadi. Shuning uchun o'simliklarning asosan biologik aktiv moddalari ko'p bo'lgan qismi yig'ib olinadi. O'simliklarning ildizi, ildizpoyasi, piyozi va tunganagi, odatda, o'simlik uyquga kirgan davrda — kech kuzda yoki o'simlik uyg'onmasdan oldin — erta bahorda tayyorlanadi. O'simlikning meva va urug'lari pishib yetilganda yig'iladi, chunki ular bu paytda dori moddalariga boy bo'ladi. Yangi yig'ib olingan dorivor o'simlik mahsuloti tarkibida, yer ustki a'zolarida 85% gacha, ildizida 45% gacha nam bo'ladi. Bu nam yo'qotilmasa (quritish yo'li bilan), o'simlik chirib, dori moddalari parchalanib, yaroqsiz bo'lib qoladi.[5-7]

Odamlar qadim zamonlardan tabiat ne'matlaridan foydalana boshlaganidan buyon dorivor o'tlardan kasalliklarni davolashda foydalanib kelganlar. Bundan 3—4 ming yil ilgari Hindiston, Xitoy, Qadimgi Misr mamlakatlarida shifobaxsh o'simliklar haqida ma'lumotlar beruvchi asarlar yozilgan. Sharqda, xususan O'rta Osiyo xalq tabobatida dorivor o'simliklardan foydalanib davolanilgan. Shifobaxsh o'simliklardan tibbiy maqsadlarda foydalanish borasida Abu Ali Ibn Sinoning „Kitob al-qonun fit tib“ nomli asarida 476 ga yaqin o'simlikning shifobaxsh xususiyatlari va ularni ishlatish usullari to'g'risida ma'lumotlar keltiriladi. Hozirgi vaqtda dorivor o'simliklarning turi ko'payib, xalq tabobati shifobaxsh o'simliklar bilan boyigan. Dorivor o'simliklardan ko'proq, anor, achchiqmiya, bodom, dorivor gulxayri, yong'oq, jag'-jag', zubtutum, isiriq, itburun, omonqora, pista daraxti, sachratqi, choyo't, shildirbosh, shirinmiya, shuvoq, yantoq, yalpiz, kiyiko't, tog'rayhon, qizilcha, qoqio't va boshqalari tarqalgan. Achchiqmiyadan paxikarpin, oqquraydan pesni davolashda qo'llaniladigan psoralen, isiriqdan garmin, itsigakdan anabazin, omonqoradan galantamin, shildirboshdan sferofizin alkaloidlar olinadi. Anor pustidan gijja haydovchi pelterin ekstrakt tayyorlanadi. Dorivor gulxayri preparatlari balg'am ko'chiruvchi va yumshatuvchi, jag'-jag'dan tayyorlangan dorilar qon ketishini to'xtatuvchi, pista va choyo'tdan tayyorlangan dorilar me'da ichak kasalliklarini davolashda ishlatiladi. S.Q. Islombekov nomidagi Toshkent farmasevtika zavodida O'zbekistonda o'sadigan va ekiladigan dorivor o'simliklardan turli tuman dorilar tayyorlanadi. Dorivor o'simliklarni topish va ulardan alkaloidlar olishda O'zbekiston FA O'simlik moddalari kimyosi institutining xizmati katta. Institutda 4000 dan ortiq o'simlikning turli organlari alkaloid olish maqsadida o'rganilib, ulardan 1000 ga yaqin tabiiy birikmalar ajratib olingan.[8-10] Shu asosda sitizin, galantamin kabi 20 dan ortiq qimmatli preparat yaratilgan va

tibbiyotga joriy qilingan. O'zbekiston Fanlar Akademiyasi Botanika instituti va Botanika bog'ining efir moyli, dorivor va bo'yoqli o'simliklar laboratoriyasi ilmiy xodimlari mutaxassislar bilan hamkorlikda O'rta Osiyo hududida ko'p tarqalgan yuqumli kasalliklardan eng xavfli sariq (gepatit)ni davolashda ekologik jihatidan toza, samaradorligi yuqori bo'lgan dorivor o'simliklar xom ashyolaridan tayyorlangan „Safro haydovchi Hojimatov yig'masi“ni yaratdilar va bu yig'ma ilmiy tibbiyotda qo'llashga va ishlab chiqarishga ruxsat etildi. Shuningdek, SamDU Botanika kafedrasida, Toshkent davlat farmasevtika institutida dorivor o'simliklarni ekib yetishtirish texnologiyasi o'rganilmoqda. Toshkent, Namangan, Jizzax, Samarqand, Qashqadaryo, Surxondaryo viloyatlarida va Xorazm Ma'mun akademiyasida dorivor o'simliklar yetishtiradigan maxsus xo'jaliklar bor.

### FOYDALANILGAN ADABIYOTLAR RO'YXATI:

1. Sattorova M. M., Turayeva N. N. Reasons for soil erosion and its prevention measures //11th International Conference “Science and Practice: a new level of integration in the modern world”. Conference Proceedings September. – С. 20-22.
2. Mustakimovna N. S. et al. Physics-Mechanical properties of irrigated meadow soils in bukhara region //ACADEMICIA: AN INTERNATIONAL MULTIDISCIPLINARY RESEARCH JOURNAL. – 2021. – Т. 11. – №. 1. – С. 1829-1834.
3. Ходжимуродова Н. Р., Хакимова Н. Х., Тураева Н. Н. МИКРООРГАНИЗМЫ ОРОШАЕМЫХ ПОЧВ БУХАРСКОГО ОАЗИСА //Инновацион технологиялар. – 2021. – №. 1 (41).
4. Sattorova M. M., Turayeva N. N. Reasons for soil erosion and its prevention measures //11th International Conference “Science and Practice: a new level of integration in the modern world”. Conference Proceedings September. – С. 20-22.
5. Torayeva N. Influence of Types of Roots and Schemes of Placing Peach on Yield and Chemical Composition of Fruit //ЦЕНТР НАУЧНЫХ ПУБЛИКАЦИЙ (buxdu. uz). – 2021. – Т. 3. – №. 3.
6. Torayeva N. PHYSICS-MECHANICAL PROPERTIES OF IRRIGATED MEADOW SOILS IN BUKHARA REGION //ЦЕНТР НАУЧНЫХ ПУБЛИКАЦИЙ (buxdu. uz). – 2021. – Т. 3. – №. 3.
7. Torayeva N. QISHLOQ ХУЖАЛИГИДА ЭКОЛОГИК МУАММОЛАР ВА УЛАРНИНГ ЕЧИМИ мавзусидаги Республика микёсидаги хорижий олимлар иштирокида онлайн илмий-амалий анжуман ТУПЛАМИ //ЦЕНТР НАУЧНЫХ ПУБЛИКАЦИЙ (buxdu. uz). – 2020. – Т. 1. – №. 1.
8. Ходжимуродова Н. Р. и др. Биологическая активность орошаемых лугово-аллювиальных почв в зависимости от степени засоленности //Научное обозрение. Биологические науки. – 2021. – №. 1. – С. 27-31.

9. Курвантаев Р. и др. ЭВОЛЮЦИЯ И ПРОГНОЗ РАЗВИТИЯ ОРОШАЕМЫХ ТИПИЧНЫХ И СВЕТЛЫХ СЕРОЗЁМОВ НА ТРЕТЬЕЙ ТЕРРАСЕ РЕКИ ЗАРАФШАН //Владимирский земледелец. – 2021. – №. 4. – С. 14-20.

10. Ходжимуродова Н. Р., Хакимова Н. Х., Тураева Н. Н. МИКРООРГАНИЗМЫ ОРОШАЕМЫХ ПОЧВ БУХАРСКОГО ОАЗИСА //Иновацион технологиялар. – 2021. – №. 1 (41).